



Broj: 09-20-11-2-1477

Datum: 17.11.2021. godine

Na osnovu člana 43., a u vezi sa članom 45. stav 2. Zakona o unutrašnjim poslovima Federacije BiH („Službene novine FBiH“, broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2021. godinu, zamjenik direktora Federalne uprave policije, d o n o s i:

### **ODLUKU**

o izboru najpovoljnijeg ponuđača za nabavku vojne opreme - LOT 1

1. Na osnovu obavještenja o nabavci broj: 1412-3-1-135-3-75/21 objavljenog u „Službenom glasniku BiH“, broj: 44/21 od 16.07.2021. godine proveden je pregovarački postupak sa objavom obavještenja o nabavci, u predmetu: Nabavka vojne opreme.
2. Odluka o izboru najpovoljnijeg ponuđača za nabavku vojne opreme – LOT 1, broj: 09-20-11-2-1477 od 15.09.2021. godine se poništava na osnovu Rješenja Ureda za razmatranje žalbi BiH broj: JN2-03-07-1-2744-8/21 od 28.10.2021. godine.
3. Za predmetnu nabavku za LOT 1 zaprimljene su dvije početne ponude i to od ponuđača: DanialS d.o.o. Tešanj i SHOT d.o.o. Zenica. Rješenjem Ureda za razmatranje žalbi BiH broj: JN2-03-07-1-2744-8/21 od 28.10.2021. godine uvažen je navod žalitelja SHOT d.o.o. Zenica te ponuda ponuđača DanialS d.o.o. Tešanj ne ispunjava uslove propisane tenderskom dokumentacijom.
4. Komisija je utvrdila da konačna ponuda ponuđača SHOT d.o.o. Zenica za LOT 1 -, sa cijenom od 10.750,00 KM bez PDV-a, odnosno 12.577,50 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije broj: 09-20-11-2-669 od 16.11.2021. godine.
5. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 1412-3-1-42-3-45/21 od 01.04.2021. godine.
6. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
7. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
8. Za izvršenje Odluke zadužuje se Sektor za materijalno-finansijske poslove.

## Obrazloženje

Komisija za provođenje postupka nabavke u skladu sa članom 8. Zakona o javnom nabavkama za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-206 od 18.3.2021. godine, postupila je shodno obavještenju o nabavci koji je objavljen u „Službenom glasniku BiH“ broj: 44/21 od 16.07.2021. godine, po osnovu čega je proveden pregovarački postupak nabavke u predmetu: Nabavka vojne opreme.

Dana 15.09.2021. godine ugovorni organ donio je Odluku o izboru najpovoljnijeg ponuđača za nabavku vojne opreme – LOT 1, broj: 09-20-11-2-1477 od 15.09.2021. godine, kojom je ponuda ponuđača DanialS d.o.o. Tešanj u skladu sa kriterijom najniža cijena izabrana kao najpovoljnija sa cijenom od 9.740,00 KM bez PDV-a nakon provedene e-aukcije.

Na navedenu Odluku ponuđač SHOT d.o.o. Zenica izjavio je žalbu ugovornom organu. Ugovorni organ je navedenu žalbu uz svoje izjašnjenje prosljedio na odlučivanje Uredu za razmatranje žalbi BiH.

Ured za razmatranje žalbi BiH donio je Rješenje broj: JN2-03-07-1-2744-8/21 od 28.10.2021. godine kojim je uvažen navod žalitelja SHOT d.o.o. Zenica te ponuda ponuđača DanialS d.o.o. Tešanj ne ispunjava uslove propisane tenderskom dokumentacijom, te je predmet vraćen ugovornom organu na ponovni postupak.

Postupajući po navedenom Rješenju Komisija za provođenje postupka nabavke na sastanku održanom 16.11.2021. godine dostavila je preporuku rukovodiocu Federalne uprave policije da donese novu odluku o izboru najpovoljnijeg ponuđača za postupak nabavke vojne opreme za LOT 1 i to ponuđača SHOT doo Zenica čija konačna ponuda sa cijenom od 10.750,00 KM bez PDV-a, odnosno 12.577,50 KM sa PDV-om jedina ispunjava sve formalno pravne uslove tražene tenderskom dokumentacijom i koja u ekonomskom i tehničkom smislu u potpunosti zadovoljava zahtjev ugovornog organa.

Također Ugovorni organ uputiti će dopis Agenciji za javne nabavke BiH u kome će od iste zatražiti poništenje provođenja e-aukcije iz razloga što ista nije ni trebala biti održana obzirom da je za navedenu nabavku po osnovu Rješenja URŽ-a pristigla samo jedna ponuda koja ispunjava uslove propisane tenderskom dokumentacijom.

### PRAVNA POUKA:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o očitovanju po Rješenju URŽa

Dostaviti:

- ponuđačima
- u spis

